


Team special di Merca a bay busca den dam di Moko y Bubali Plas

ORANJESTAD (AAN) --- Aparte di cu na varios ocasion ya caba a worde busca na diferenete parti ariba Aruba e desaparicion di e hoben Americana Natalee Holloway y nada no a worde haya, tog diariamente trabounan di buscamiento ta sigui tuma lugar na diferente parti di nos Isla.

DIARIO su reportero tabata presente diabierna mainta tanto na Tiera del Sol, Bubali Plas y Dam di Moko caminda e team special cu a bin di Merca hunto cu nan cachonan y tambe personal di Warda Nos Costa tabata tin un busqueda.

E prome caminda cu e team

a bay haci un busqueda ta den e dam di Moko. Despues nan a sigui pa Tierra del Sol, pero door cu e boto no por a worde baha akinan nan a sigui pa Bubali Plas. Akinan e takelwagen di Ras a bay cu e boto te den awa y na unda e team special a bay cu nan cachonan y nan aparatonan special pa haci un busqueda. Por a compronde cu e busqueda lo sigui awe den dia ya cu mas o menos 17 persona mas di e team special di Merca lo a yega Aruba ayeranochi pa asina intensifica nan busqueda pa e hoben Americano Natalee Holloway.



Abo tin un noticia?
Yama nos na
Tel: 582-2239